

AKASHVANI (AIR)
RNU : KOLKATA
Bengali Text Bulletin

Date: 18.11.2024

Time: 7.50 P.M.

বিশেষ বিশেষ খবর –

- ১) আদিবাসী ও পিছিয়ে পড়া শ্রেণীর জন্য রাজ্য সরকারের বিভিন্ন কল্যাণমূলক প্রকল্পের সুযোগ যেন তাঁরাই পান তা নিশ্চিত করতে রাজ্য সরকার নির্দেশ দিয়েছে।
- ২) রাজ্যে আলুর বীজ বপনের চলতি মরশুমে, সার নিয়ে কালোবাজারি রুখতে রাজ্য সরকার কড়া নজরদারির নির্দেশ দিয়েছে।
- ৩) তরুণের স্বপ্ন প্রকল্পে ট্যাব কেনা নিয়ে রাজ্যের ৪৮৯-টি স্কুলের ছাত্রছাত্রী এখনও পর্যন্ত জালিয়াতির শিকার। গ্রেফতার আরও তিনজন।
- ৪) ভাটপাড়া পুরসভার প্রাক্তন তৃণমূল সভাপতি অশোক সাউ-এর খুনের ঘটনায় ধৃত দু-জনের ১০ দিনের পুলিশ হেফাজতের নির্দেশ।
- ৫) পথের পাঁচালি খ্যাত অভিনেত্রী উমা দাশগুপ্ত প্রয়াত।
- ৬) জাতীয় ফুটবল সন্তোষ ট্রফির গ্রুপ পর্বের ম্যাচে বাংলা আজ ৭-০ গোলে উত্তর প্রদেশকে হারিয়ে দিয়েছে। ** ইডেনে চারদিনের সি কে নাইডু ট্রফি ক্রিকেটে বাংলা ও হিমাচল প্রদেশের মধ্যে খেলাটি অমীমাংসিতভাবে শেষ হয়েছে।

এছাড়াও পাহাড়ের অনুকরণে জঙ্গলমহলেও হোম স্টের প্রসারে বিশেষ গুরুত্ব দিচ্ছে রাজ্য সরকার । আদিবাসী অধ্যুষিত এলাকায় পর্যটনের বিকাশের পাশাপাশি স্থানীয়দের কর্ম সংস্থানের লক্ষ্যেই এই পদক্ষেপ ।

○○

রাজ্যে আলুর বীজ বপনের চলতি মরশুমে, সার নিয়ে কালোবাজারি রুখতে রাজ্য সরকার কড়া নজরদারির নির্দেশ দিয়েছে। আলু চাষের জন্য ব্যবহৃত এনপিকে সারের চাহিদার সুযোগে, অসাধু ব্যবসায়ীরা যাতে বাজারে কৃত্রিমভাবে দাম বাড়িয়ে না দেয়, তা

ধানের সহায়ক মূল্য বৃদ্ধি সহ একাধিক দাবিতে অল ইন্ডিয়া কিশাণ ক্ষেতমজদুর সংগঠনের তরফে পুরুলিয়া শহরে আজ বিক্ষোভ মিছিলের আয়োজন করা হয়। তাঁদের দাবিগুলির মধ্যে রয়েছে, ধানের সহায়ক মূল্য কুইন্টাল প্রতি তিন হাজার টাকা করা, গ্রামীণ মজুরদের সারা বছর কাজের ব্যবস্থা, জনস্বার্থ বিরোধী বিদ্যুৎ আইন সংশোধনী ২০২২ বাতিল এবং জেলার খরা সমস্যার স্থায়ী সমাধান। মিছিল করে জেলাশাসকের দপ্তরের সামনে পৌঁছে বিক্ষোভ প্রদর্শন করেন তাঁরা।

তরুণের স্বপ্ন প্রকল্পে ট্যাব কেনা নিয়ে রাজ্যের ৪৮৯-টি স্কুলের ছাত্রছাত্রী এখনও পর্যন্ত জালিয়াতির শিকার । এব্যাপারে ৪০১-টি এফ আই আর দায়ের করা হয়েছে বলে শিক্ষা দফতর সূত্রে জানা গেছে। যেসব ছাত্রছাত্রী টাকা পাননি তাদের অ্যাকাউন্টে ইতিমধ্যে টাকা পাঠানোর কাজ শুরু হয়েছে।

এদিকে, ট্যাব জালিয়াতির মামলার তদন্তে কলকাতা পুলিশের একটি দল শিলিগুড়ি থেকে তিনজনকে গতকাল গ্রেফতার করে। দীবাকর দাস, গোপাল রায় ও

পুলিশ সূত্রে জানা গেছে, উত্তর দিনাজপুরের চোপড়ার বাসিন্দা দীবাকর দাস প্রাথমিক শিক্ষক, বাকি দু-জন শিলিগুড়ির চম্পাসারির বাসিন্দা। এই নিয়ে ট্যাব কেলেক্কারিতে কলকাতা পুলিশ মোট ৫ জনকে হেফতার করল। এর আগে ধরা হয় আরও দুজনকে। তারা বর্তমানে সি আই ডি হেফাজতে।

○○○○○○○○○○○○○○○○○○○○○○○○○○○○○○

স্টুডেন্ট ক্রেডিট কার্ড সম্পর্কে তরুণদের মধ্যে সচেতনতা বাড়াতে রাজ্য সরকার, ব্যাপক প্রচার শুরু করার নির্দেশ দিয়েছে। আগামী সপ্তাহ থেকে জেলাস্তরে কলেজ ও স্কুল পড়ুয়াদের মধ্যে এনিমে প্রচার চালাতে বলেছে উচ্চশিক্ষা দপ্তর। সদ্য কলেজ-বিশ্ববিদ্যালয়ে ভর্তি প্রক্রিয়া শেষে ক্লাস শুরু হওয়ায় দপ্তরের তরফে সর্বত্র এই প্রকল্প নিয়ে নতুন করে প্রচার চালানোর উপর জোর দেওয়া হচ্ছে। ব্যাংকগুলিও যাতে এবিষয়ে সক্রিয় ভূমিকা নেয় সে বিষয়ে অনুরোধ জানানো হয়েছে। স্টুডেন্ট ক্রেডিট কার্ডের মাধ্যমে ঋণের আবেদন এবং মঞ্জুরের সংখ্যার মধ্যে ব্যাপক পার্থক্য দেখা যাচ্ছে বলে দপ্তর সূত্রে খবর। ওই প্রকল্পের আওতায়, ব্যাঙ্কে প্রায় ২ লক্ষ আবেদন জমা পড়েছে। তার মধ্যে এপর্যন্ত ৭৬ হাজার আবেদন মঞ্জুর হয়েছে। এই সংখ্যা বাড়াতে উদ্যোগ নেওয়া হচ্ছে। চলতি সপ্তাহের শেষে ব্যাংকগুলির সঙ্গে বৈঠক করে মুখ্য সচিব মনোজ পন্থ এব্যাপারে তাদের দৃষ্টি আকর্ষণ করবেন বলে জানা গিয়েছে।

○○○○○○○○○○○○○○○○○○○○○○○○○○○○○○

কলকাতার এন্টালি এলাকায় বাড়ির একাংশ ভেঙে পড়ে দু-জনের মৃত্যুর ঘটনায় রাজ্যের পুর ও নগরোন্নয়নমন্ত্রী, পুরসভার মেয়র ফিরহাদ হাকিম শোক প্রকাশ করেছেন। পুরভবনে আজ সাংবাদিকদের প্রশ্নের উত্তরে তিনি বলেন, ওই বাড়িটি একটি

আগেই জানানো হয়েছে, মধ্য কলকাতার এন্টালিতে গতরাতে ওই পরিতক্ত কারখানার একাংশ ভেঙে পড়লে দুই নিরাপত্তারক্ষী প্রাণ হারান। পুরনো ওই অ্যাসিড কারখানার একাংশে বাস করতেন নিরাপত্তারক্ষী সাজিদুল রহমান ও তাঁর ভাই মজিবুর রহমান। কারখানাটিকে অনেকদিন আগে বিপজ্জনক হিসেবে ঘোষণা করা হয়েছিল।

ভাটপাড়া পুরসভার ১২ নম্বর ওয়ার্ডের প্রাক্তন তৃণমূল কংগ্রেস সভাপতি অশোক সাউ খুনের ঘটনায় ধৃত মূল অভিযুক্ত সুজল প্রসাদ এবং সানি সাউকে আজ ব্যারাকপুর আদালতে তোলা হলে ১০ দিনের পুলিশ হেফাজত হয়েছে। ব্যারাকপুর পুলিশ কমিশনারেট এর গোয়েন্দা বিভাগ আজ ভোর রাতে এই দুজনকে গ্রেফতার করে। এই নিয়ে এই ঘটনায় মোট ৪ জন গ্রেফতার হল। ব্যারাকপুরের পুলিশ কমিশনার অলোক রাজোরিয়া জানিয়েছেন বাকিদের সন্ধানে তল্লাশি চলছে।

(বাইট)

কলকাতা জোড়াসাঁকো থানা এলাকার এমজি রোডে এক ব্যক্তিকে শ্বাসরোধ করে খুনের অভিযোগে ধৃত সরফরাজকে ২৪-শে নভেম্বর পর্যন্ত পুলিশ হেফাজতে পাঠিয়েছে শিয়ালদা আদালত। গতরাতে মাঝবয়সী অজ্ঞাতপরিচয় ওই ব্যক্তির দেহ

ফুটপাথের উপর থেকে উদ্ধার হয়। রাস্তার ধারের সিসিটিভি ফুটেজে দেখা যায় বছর তিরিশের সরফরাজ গামছা দিয়ে শ্বাসরোধ করে ওই ব্যক্তিকে হত্যার চেষ্টা করছিল। এরপরই তাকে পাকড়াও করা হয়।

০০০০০০০০০০০০০০০০০০০০০০

শিয়ালদা আদালতে আজ আরজি কর মেডিক্যাল কলেজে তরুণী চিকিৎসককে ধর্ষণ করে হত্যার মামলার শুনানি চলে। মামলার মূল অভিযুক্ত সঞ্জয় রাইকে আদালতে পেশ করা হয়। তার নিরাপত্তা নিয়ে পুলিশি তৎপরতা ছিল চোখে পড়ার মতো। আদালত ভবনকে কড়া নিরাপত্তার চাদরে মুড়ে ফেলা হয়। অপেক্ষারত সাংবাদিকদের সঙ্গে অভিযুক্ত যাকে কোনরকম কথাবার্তা বলতে না পারেন সে বিষয়ে তৎপর ছিল পুলিশ।

০০০০০০০০০০০০০০০০০০০০০০

পূর্ব বর্ধমানের ভাতারে এক মুক ও বোধির মহিলাকে ধর্ষণে এক যুবককে পুলিশ গ্রেফতার করেছে। চাঁদু ধারা নামে ওই যুবককে আজ বর্ধমানে মুখ্য বিচারবিভাগীয় ম্যাজিস্ট্রেটের এজলাসে পেশ করা হলে পাঁচ দিনের পুলিশ হেফাজতে পাঠানো হয়।

পারিবারিক সূত্রে জানা গেছে, রবিবার ভোর রাতে মহিলা বাড়ির বাইরে শৌচালয়ে গিয়েছিলেন, কিন্তু দীর্ঘক্ষণ তিনি না ফেরায় খোঁজাখুঁজি শুরু হয়। পরে বাড়ি থেকে কিছুটা দূরে ওই মহিলার খোঁজ মেলে। চাঁদুকেও সেখান থেকে দৌড়ে পালাতে দেখা যায়। মহিলার অভিযোগের ভিত্তিতে পুলিশ তাকে গ্রেফতার করে।

০০০০০০০০০০০০০০০০০০০০০০

সত্যজিৎ রায়ের পথের পাঁচালি খ্যাত অভিনেত্রী উমা দাশগুপ্ত প্রয়াত। তিনি দুরারোগ্য ক্যান্সারে ভুগছিলেন। কলকাতার এক বেসরকারি হাসপাতালে আজ সকালে উমা দাশগুপ্ত শেষ নিঃশ্বাস ত্যাগ করেন বলে পারিবারিক সূত্রে জানা গেছে। বয়স হয়েছিল ৮৫ বছর। ছোটবেলায় থিয়েটার থেকে অভিনয় জীবনের হাতেখড়ি। সেখান থেকেই সত্যজিৎ রায় স্কুলে পড়ুয়া উমা দেবীকে পথের পাঁচালির দুর্গার চরিত্রটির জন্য বেছে নেন। সেই চরিত্রই তাঁকে বাংলা সিনেমার ইতিহাসে পাকাপাকি যায়গা করে দিয়েছে। উমা দাশগুপ্তর প্রয়াণে রাজ্যের চলচ্চিত্র প্রেমী মহলে শোকের ছায়া। পরিচালক অনীক দত্ত-----

Byte of ANIK Dutta

০০০০০০০০০০০০০০০০০০০০০০

নদীয়ার ঐতিহ্যবাহী রাস উৎসবের আজ চতুর্থ দিন। শান্তিপুরে আজ হয় ঠাকুর নাচানো অনুষ্ঠান।

অন্যদিকে নবদ্বীপে রাসের কার্নিভাল চলেছে। তা দেখতে রাস্তার ধারে ভিড় জমিয়েছেন হাজার হাজার মানুষ ।

আমাদের জেলা সংবাদদাতা জানাচ্ছেন -

(ভয়েসকাস্ট - অনুপম)

০০০০০০০০০০০০০০০০০০০০০

জাতীয় ফুটবল সন্তোষ ট্রফির গ্রুপ পর্বের ম্যাচে বাংলা আজ ৭-০ গোলে উত্তর প্রদেশকে হারিয়ে দিয়েছে। কল্যাণী স্টেডিয়ামে এই ম্যাচে রবি হাঁসদা ও মনোতোষ মাঝি দুজনেই হ্যাটট্রিক করেন।

রবি চারটি, মনোতোষ তিনটি গোল করেছেন। গ্রুপ লীগে বাংলা বুধবার শেষ ম্যাচে বিহারের বিরুদ্ধে খেলবে।

oooooooooooooooooooooooo

ইডেনে চারদিনের সি কে নাইডু ট্রফি ক্রিকেটে বাংলা ও হিমাচল প্রদেশের মধ্যে খেলাটি অমীমাংসিতভাবে শেষ হয়েছে। প্রথম ইনিংসে এগিয়ে থাকার সুবাদে বাংলা এই ম্যাচে ১১ পয়েন্ট পেয়েছে। পাঁচ ম্যাচে তাদের সংগৃহীত পয়েন্ট ৪৭।

খেলার সংক্ষিপ্ত ফলাফল - হিমাচল প্রদেশ ২৯৪ ও ৩৩৯, বাংলা -৪২৫ ও ৮ উইকেটে ১৮১ রান।

oooooooooooooooooooooooo

oooooooooooooooooooooooo